

МЕСЯЦА НОЕМВРИА В 21-Й ДЕНЬ
ВХОД ВО ХРАМ ПРЕСВЯТЫЯ БОГОРОДИЦЫ

НА ВЕЛИЦЕЙ ВЕЧЕРНИ,

Стихологисуем Блажен муж: 1-й антифон.

На Господи, возвах: стихиры на 8, глас 1-й.

Подобен: О, дивнаго чудесе:

Днесь вернии ликовствуим, / во псалмех и песнях Господеви поюще, / и
чтуще Того Священную Сень, / Одушевленный Кивот, / Невместимое Слово
Вместившую: / приводится бо Господеви паче естества / плотию младенствующи,
/ и святитель великий Захария приемлет / с веселием Сию яко Божие Жилище.
Дважды.

Днесь Храм Одушевленный / Святыя славы Христа Бога нашего, / Едина в
женах Благословенная / Чистая приводится в Храм Господень / жити во Святых: /
и радуются с Нею Иоаким и Анна духом, / и девственнии лица Господеви поют, /
псаломски воспевающе и чтуще Матерь Его.

Ты пророков проповедание, / Апостолов слава и мучеников похвала, / и всех
земнородных обновление, / Дево Мати Божия: / Тобою бо Богу примирихомся. /
Темже чтим Твое в Храм Господень Вхождение, / и со Ангелом вси песенно
радуйся, / Тебе, Пречистая, вопием, / Твоими молитвами спасаемии.

Ины стихиры, глас 4-й:

Подобен: Яко добля:

Во Святая Святых, / Святая и Непорочная, / Святым Духом вводится, / и
святым Ангелом питается, / сущи Святейший Храм Святаго Бога нашего, /
всяческая Освятившего Входом Ея, / и Обожившего естество / земных
поползшееся. **Дважды.**

Отроковицы радуящиеся, / и свещи имущи, / Свещи днесь предходят
Разумней: / и вводят Сию во Святая Святых, / священно проявляюще хотящую
Зарю / из Нея возсияти, / и просветити во тьме сидящая / неведения, Духом.

Веселяся приими, / Захарие, возопи Анна всехвальная, / Юже проповедаша
Божии пророцы Духом: / и Сию введи во Святый Храм, / священно воспитатися, /
яко да будет Владыки всех Божественный Престол, / и Палата, и Одр, / и
светозарное Обиталище.

Слава, и ныне, глас 8:

По Рождестве Твоем, / Богоневесто Владычице, / пришла еси в храм
Господень / воспитатися во святая святых, / яко освященна. / Тогда и Гавриил
послан бысть к Тебе, / Всенепорочней, / пищу Тебе принося. / Небесная вся
удивишася, / зряще Духа Святаго в Тя Всельшася. Темже, / Пречистая и
Нескверная, / яже на Небеси и на земли славима, / Мати Божия, спаси род наш.

Таже Свете Тихий: Вход. Прокимен дне и чтения три.

ÁÛтèÿ ÷тáíèÿ

И ѿиде íаквъ ѿ клáдъзъ клáтвеннагъ и ѿиде въ харрáнъ, и ѿврѣте мѣсто и оÿспе тáми, зáйде во сóлнце: и взà ѿ кáменїа мѣста (тoгò) и положи въ возгáвїе севѣ, и спà на мѣстѣ оñмїи. **И** сóнъ видѣ: и сè, лѣствица оÿтверждѣна на землїи, ѣже главà досъзàше до небесè, и áггїи вжїи восхождáхъ и низхождáхъ по нѣй: гдѣ же оÿтверждáшеся на нѣй и рече: азъ ѣсмь бгъ áвраáма оÿца твоегò и бгъ íсаáка, не бо́йся: землè, и дѣже ты спиши на нѣй, тебѣ дамъ ю и сѣмени твоємò: и вѣдетъ сѣмя твоè íакъ песокъ земный, и распространїтся на мóре, и лївò, и сѣверъ, и на востóки: и благословáтся ѿ тебѣ всà колѣна земнáа и ѿ сѣмени твоёмò: и сè, азъ ѣсмь съ тобою, сохранáай тà на всàкомъ пòтї, áможе áще пойдеши, и возвращѣ тà въ зéмию сїю: íакъ не íмамъ тебè ѿстáвити, дóндеже сотворїти мнè всà, ѣлика глахъ тебѣ. **И** востà íаквъ ѿ сна своегò и рече: íакъ ѣсть гдѣ на мѣстѣ сémь, азъ же не вѣдѣхъ. **И** оÿвоáса и рече: íакъ стрáшно мѣсто сїè: нѣсть сїè, но дóмъ вжїи, и сїà вратà нѣна.

Ëçàèèèèàà ÷тáíèÿ

И скончáютъ сèдмь днїи, и вѣдетъ ѿ оñмáгъ днè и потóмъ, сотворáтъ жерцы на жéртвенницѣ всесожжénїа вáша и íже спасénїа вáшегò: и прїимѣ вы, глèтъ гдѣ. **И** ѿврати мѧ на пòтъ врати стѣхъ внѣшнихъ, зрáщихъ на востóки: и сїà вáхъ затворénна. **И** рече гдѣ ко мнѣ: сїà вратà заключénна вѣдѣтъ и не ѿвѣрзѣтся, и никто́же про́йдетъ ѿ мнè: íакъ гдѣ бгъ íлевъ внїдетъ ѿ мнè, и вѣдѣтъ заключénна. Занè старѣйшина сèй сáдетъ въ нїхъ íсти хлѣвъ предъ гдèмъ: по пòтї ѣлáми врати внїдетъ и по пòтї ѣгò изыдетъ. **И** введè мѧ по пòтї врати íже къ сѣверò, прáмш хрáмъ: и видѣхъ, и сè, пóлнъ сáвы дóмъ гдèнь. **И** падóхъ ницъ на лицы моёмь.

Íðàìóäðñòè Ññèññññà ÷тáíèÿ

Премáдрость создà севѣ дóмъ и оÿтверди столпóвъ сèдмь: заклà своà жéртвеннаа, и раствори въ чáши своèй вїно, и оÿготова своò трапéзò: посла своà рабѣ, созывáющи съ высóкимъ проповѣданїемъ на чáшò, глаголюци: íже ѣсть безд́менъ, да оÿклонїтся ко мнѣ. **И** трéвдьющимъ оÿмà рече: прїидїте, íдїте моò хлѣвъ и пїйте вїно, ѣже растворихъ вáмъ: ѿстáвите безд́мїе и жїви вѣдетè, да во вѣки

воцаритѣса: и взыщѣте рѣзвма, да поживетѣ и испрѣвите рѣзвмъ въ вѣдѣнїи. **Наказѣай** слѣа прїиметъ себѣ безчестїе, ѡбличаай же нечестїваго порѣчна сотворитъ себѣ (ѡбличенїа во нечестївомѣ рѣны емѣ). **Не** ѡбличай слѣхъ, да не возненавидѣтъ тебѣ: ѡбличай премѣдра, и возлюбитъ тѣ. **Дѣждь** премѣдромѣ винѣ, и премѣдрѣйшїй бѣдетъ: сказѣи прѣвноиѣ, и приложитъ прїимѣти. **Начѣло** премѣдрости стрѣхъ гдѣнь, и совѣтъ стѣхъ рѣзвмъ: рѣзвмѣти во законѣ, пѣмысла ѣсть благѣгѣ. **Сїмъ** во ѡбразомѣ многое поживѣши врѣмѣ, и приложѣтса тебѣ лѣта животѣ твоегѣ.

На стиховне стихиры, глас 5.

Радуется небо и земля, / Небо Умное грядущее зряще, / в Божественный дом воспитатися честно, / Деву Единую и Непорочную, / к Нейже дивяся Захариа вопияше: / Двере Господня, / храма отверзаю Тебе двери, / радующися в нем ликовствуй. / Познах бо и веромах, / яко уже избавление придет проявленно Израилево, / и родится из Тебе Бог Слово, / Даруяй мїру велию милость.

Стих: Приведутся девы в след Ея, * искренния Ея приведутся Тебе.

Анна Божественная благодать / яве от благодати данную Чистую Приснодеву / приводит с веселием в храм Божий, / призвавши ити пред Нею отроковицам свещы носящим, / и глаголющи: / поиди, чадо, давшему Тя буди возложение и благовонный фимиам. / Входи в невходимая, / и увеждь тайны, / и уготовися быти Иисусово вместилище, / веселое и красное, / Подающаго мїру велию милость.

Стих: Приведутся в веселии и радовании, * введутся в храм Царев.

Внутрь в храм Божий Боговместимый / Храм возлагается, / Дева Всесвятая, / и отроковицы Ей ныне свещи носяще, предходят. / Играет родителей сопряжение изрядное, / Иоаким же и Анна, ликовствующе, / яко родиша Творца Рождшую, / Яже ликовствующе в Божественных скиниях / и питаема рукою Ангеловою, / Всенепорочная, / Христа явися Мати, / Подающаго мїру велию милость.

Слава, и ныне, глас 6. Сергия Агиополита:

Днесь собори верных сошедшеся, / духовне да торжествуим, / и Богоотроковицу Деву и Богородицу, / в храм Господень Приводиму, / благочестно восхвалим, / Предъизбранную от всех родов / во обителище всех Царя Христа и Бога: / девы свещы носяще предъидите, / Приснодевы чтуще честное происхождение: / матери печаль всю отложивше, / радостно споследуйте Матери Бога Бывающей, / и радости мїра Ходатаице. / Всеи убо радостно, / еже радуйся, со Ангелом возопиим Обрадованней, / присно Молящейся о душах наших.

На благословении хлебов тропарь, глас 4.

Днесь благоволения Божия предображение, / и человекѣв спасения проповедание, / в храме Божии ясно Дева является / и Христа всем

предвозвещает. / Той и мы велегласно возопиим: / радуйся, смотрения
Зиждителява исполнение. *Трижды.*

**зри: А идеже всенощнаго бдения несть, на велицей вечерни тропарь глаголем
единожды.**

НА УТРЕНИ.

На Бог Господь: *тропарь*:

Днесь Благоволения Божия: *трижды*.

По 1-м стихословии седален, глас 1:

Подобен: Лик Ангельский:

Праведных Плод, / Иоакима и Анны, / приносится Богу во святилище святое, / плотию младенствующи, / Питательница Жизни наша, / Юже благослови священный Захария: / Сию вся яко Матерь Божию верно да ублажим.

Слава и ныне, тойже.

По 1-м стихословии седален, глас 4:

Подобен: Удивися Иосиф:

Прежде зачатия, Чистая, / освятилася еси Богу / и, рождшися на земли, / дар принеслася еси ныне Ему, / исполняючи отеческое обещание: / в Божественном же храме, / яко сущо Божественный храм от младенства чисте, / со свещами светлыми отдана бывши, / явилася еси Приятелище Непреступнаго / и Божественнаго Света. / Велико воистинну предшествие Твое, / едина Богоневесто и Приснодево.

Слава, и ныне, тойже.

Величание:

Величаем Тя, Пресвятая Дево, Богоизбранная Отроковице, и чтим еже в храм Господень вхождение Твое.

По полиелее седален, глас 8.

Подобен: Повеленное тайно:

Да радуется Давид песнописец, / и да ликовствует Иоаким со Анною, / яко плод святой из них произыде, / Мария светоносная, / Божественная свеща, / и радуется входящи в Храм: / Юже и зря благослови Варахиин сын, / и радуясь взываше: / радуйся, Чудо всемирное.

Слава, и ныне, тойже.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 4:

Прокимен: Слыши, дщи, и виждь, и приклони оухо твое, и забуди люди твои и домъ отца твоего:

Стих: 2 Урыгну сердце мое слово благо, глаголю азъ дѣла мои црѣви:

Всякое дыхание:

Евангелие Луки, зачало 4.

Во время оно: Воставши же мрїамъ во дни тѣхъ, иде въ горнаа со тцанїемъ, во градъ ідовъ: и вниде въ домъ захарїинъ и цѣлова елїсавѣтъ. И бысть ѡкв оуслыша елїсавѣтъ цѣлованїе мрїино, възграса младенецъ во чревѣ елї: и исполниса дха стѣ елїсавѣтъ, и возопи гласомъ великимъ, и рече: блажена ты въ женахъ, и блаженъ плодъ чрева твоего: и ѡквдз миѣ сїе, да прїидетъ мѣи гда моего ко миѣ; се бо, ѡкв бысть гласъ цѣлованїа твоего во оушїю моею, възграса младенецъ радощами во чревѣ моемъ: и блаженна въроваваша, ѡкв вдетъ совершенїе глгланннмъ ей ѡ гда. И рече мрїамъ: величитъ дша мои гда, и возрадовася дхъ мой ѡ вѣѣ спсѣ моемъ: ѡкв призрѣ на смиренїе рабы своеа: се бо, ѡннѣ оублажатъ мѣ вси роди: ѡкв сотвори миѣ величїе сильный, и стѣ ѡма егѡ: Превысть же мрїамъ съ нею ѡкв три мѣи и возвратиса въ домъ свой.

По 50-м псалме, вместо Молитвами Богородицы,

Слава, глас 2:

Днесь Храм одушевленный / и Великаго Царя в храм входит, / Тому уготоватися / в Божественное жилище: / людие веселитесь.

И ныне, тойже.

Таже: Помилуй мя, Боже:

Стихира, самогласна, глас 4:

Днесь боговместимый храм / Богородица в храм Господень приводится, / и Захариа Сїю приемлет: / днесь святая святых радуются, / и лик Ангельский таинственно торжествует. / С нимиже и мы празднующе днесь, / с Гавриилом возопиим: / радуйся, Благодатная, Господь с Тобою, имей велию милость.

Канона праздника два: первый со ирмосом на 8.

Ирмос по дважды, тропари на 6.

Творение Георгиево, егоже краегранесие: Ты благодать, Владычице, слову даждь.

Глас 4.

Песнь 1.

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуяся, Тоя вхождение.

Премудрости, Пречистая, Тя Сокровище вемы, и благодати точашую, источник приснотекущий разума, просим: Твоя капли одожди, Владычице, еже воспевати Тя присно.

Превышши, Пречистая, небес бывши, Храм и Палата, в храм Божий возложила еси, Тому уготоватися в божественное жилище пришествия Его.

Свет возсиявши Богородица благодати, вся просвети, и совокупи пресветлое Ея украсити торжество песнями: приидите, к Ней стецемся.

Дверь славная, помыслы непроходимая, двери отверзши храма Божия, ныне повелевает нам совшедшим, Божественных Ея чудес насладитися.

Другий канон праздника, подобне со ирмосом на 8.

Ирмос по дважды, тропари на 6. Творение Василиево.

Глас 1.

Песнь 1.

Ирмос: Песнь победную поим вси Богу, / сотворшему дивная чудеса / мышцею высокою, / и спасшему Израиля, / яко прославися.

Стецемся днесь, Богородицу почитающе песнями, и торжествуем духовный праздник: в храм бо Богу дар приносится.

Песнями да воспоим Богородицы славное предшествование: к храму бо днесь, яко Храм Божий, приносится пророчески дар многоценный.

Анна непорочная радовашеся, яко дар многоценен Богу приносящи в храм матерски, Иоаким же с нею торжествует светло.

Давид праотец Твой воспе Тя древле, Дево Богоневесто, Дщерь глаголя Тя Царя Христа: Егоже и родивши, матерски Младенца доила еси.

Плотию трилетствующи, Богородица Господу приносится: Захариа же сию священник Божий прием, радуяся в храм возложи.

Девы ликовствуйте свещеносицы, начните днесь и матери: воспойте Царице Матери, приходящей в храм Царя Христа.

Слава, троичен: Троице единосущная, Отче, и Слове, и Душе Святыи, Тя верно славим, яко Творца всех, и Тебе вопием благочестно: спаси ны, Боже.

И ныне, богородичен: От багра кровей Твоих червленицею, Пречистая, одеаяся, прошед обнови Царь и Бог, род весь человеческий благоутробием Своим.

Катавасиа оба лика вкупе: Христос раждается, славите. / Христос с Небес, срящите. / Христос на земли, / возноситеся. / пойте Господеви вся земля, / и веселием воспойте, людие, / яко прославися.

(От сего дне, катавасиа сия поется до 1_го дне ианнуариа.)

Песнь 3.

Ирмос: Твоя песнословцы, Богородице, / живой и независтный Источниче, / лик себе совокупльшия духовно утверди, / в честнем Вхождении Твоем венцев славы сподоби.

Невестокраситель днесь явися, красный Девы храм и чертог, приемь одушевленный чертог Божий, Чистую и Непорочную, и светлейшую всея твари.

Давид предначиная ликование, играет и ликовствует с нами, и Царицу зовет Тя украшену, Пречистая, предстоящу, Всечистая, в храме Царю и Богу.

Из неяже преступление произыде древле роду человеческому, из тоя исправление и нетление процвете, Богородица днесь приводима в Дом Божий.

Играют ангельская воинства, и всех человек множество, и пред лицом, Пречистая, предтекут Твоим днесь свещеносицы зовуще, величества Твоя в дому Божии.

Ин.

Ирмос: Да утвердится сердце мое / в воли Твоей, Христе Боже, / Иже над водами небо утверждей второе, / и основавый на водах землю, / Всесильне.

Торжествуим празднлюбцы и срадуимся духом, во святем празднице учреждающесе днесь, Дщере Царевы, и Матере Бога нашего.

Иоакиме, радуйся днесь, и веселися, Анно, духом, Рожденную из вас Господу приводяще трилетствующу, яко Юницу Чисту Всенепорочную.

Божие селение во храм святыи приводится, Богородица Мариамь, плотию трилетствующая, и Той свещесветят девы, предтекуще.

Божия Агница неблазненная, и Голубица нескверная, боговместимая Скиния, славы освящение, в скинии святей обитати избра.

Трилетствующая телом, и многолетствующая духом, ширшая небес, и горних сил превышшая, да восхвалится песньми Богоневестная.

Богородицы празднующе в невходимых предшествие, свещеимуще умно с веселием днесь, и мы с девами к храму приближимся.

Священницы Божии, облечытеся в правду благодатию, и срящите светло, входы подающе Дщери Царя и Бога во святая.

Слава, троичен: Свет Отец, Свет Сын Его, Свет Дух Утешительный: яко от солнца бо единого Троица сияючи, Божественно озаряет и соблюдает души наша.

И ныне: Тя пророцы проповедаша Кивот, Чистая, святыни, Кадильницу златую, и Свещник, и Трапезу: и мы, яко Боговместимую Скинию, воспеваем Тя.

Катавасиа: Прежде век от Отца Рожденному нетленно Сыну, / и в последняя от Девы Воплощенному безсеменно / Христу Богу возопиим: / вознесый рог наш, / свят еси, Господи.

Седален, глас 4.

Подобен: Удивися Иосиф:

Возопий, Давиде, / что сей настоящий праздник, / Юже воспел еси иногда в книзе псаломстей, / яко Дщерь Богоотроковицу и Деву. / приведутся, рече, / Царю таинственно / девы во след Ея, и ближнии Ея: / и дивен соделай и всемірен праздник зовущим: / Богородица нам предста, спасения Ходатаица.

Слава, и ныне, глас и подобен тойже:

Непорочная Агница / и нескверный Чертог, / в Дом Божий Богородица Мариамъ с веселием / вводится преславно, / юже ангели Божии доринносят верно, / и вси вернии блажат присно, / и благодарственно поют Ей / непрестанно велиим гласом: / наша Слава и Спасение Ты еси, Всенепорочная.

Песнь 4.

Ирмос: Незследный Божий совет, / еже от Девы воплощения Тебе, / Вышняго, пророк Аввакум усмотря зовяше: / слава силе Твоей, Господи.

Дверь непроходную, Божий дом приемля днесь, престати сотвори всякой службе законной, яко истинно явися, зовый, сущим на земли Истина.

Гора присенная, Юже провиде древле Аввакум, предпропеда внутрь вместившуюся в неходных храма, добродетели процветши, и покрывает концы.

Видевши преславная вся земля странная же и дивная вещи, како Дева, от ангела пищу приемлющи, образы строения носит.

Храм и Палата, и Небо одушевленное явльшися, Богоневесто Царева, во храм законный приводима днесь, Тому соблюдаема, Пречистая.

Ин.

Ирмос: Духом провидя, пророче Аввакуме, / словесе воплощение, проповедал еси, вопия: / вегда приблизитися летом, познаешися, / вегда приити времени, / покажешися. / слава силе Твоей, Господи.

Пророче Исаие, прорцы нам, Дева кто есть, имущая во чреве, яже из Иудина корене прозябши, и рождшися из Давида Царя, семене святого, Плод благославный;

Начинайте девы, и воспойте песни, руками держаще свечи, Чистыя Богородицы предшествие хваляще, ныне грядущия во храм Божий купно с нами празднующе.

Иоакиме и Анно, веселитесь ныне, во храм приводяще Господень Чистую Бога Матерь, Христа Всецаря будущую, от вас же рождшуюся, яко трилетствующую Юницу.

Святая святых суши, Чистая, во храм святой возлюбила еси вселитися, и со ангелы, Дево, беседующи пребываеши, преславно с небесе хлеб приемлющи, Питательнице жизни.

Рождши паче надежди Пречистую Деву, благочестиво обещахуся Богу принести: и исполняют, дающе, яко Жертву рожденную от них, Иоаким днесь и Анна в дом Божий.

Прозябе жезл иногда Ааронов, прообразующий, Чистая, Божественное Рождество, яко безсеменно зачнеши, и нетленна пребудеши, и по Рождестве девствующи явишися, Младенца питаючи, всех Бога.

Девы Деву, и матери Матерь, благочестно стецытеся почтити с нами Рождшуюся, яко непорочную Жертву и рожденную Богу плодоносимую, вси убо светло празднуем.

Слава, троичен: Троицу лица, Единицу образом благочестно славим Бога Истинна, Егоже поют ангельская и архангельская чиноначалия, яко твари Владыку, и человецы верно поклоняющиеся присно.

И ныне: Моли непрестанно, Пресвятая Чистая, Егоже плотию родила еси Сына Твоего и Бога, от многообразных сетей диаволих, и от всяких искушений находящих вся избавити рабы Твоя.

Катавасия: Жезл из корене Иессеова, и цвет от него, Христе, / от Девы прозябл еси, из горы хвальный приосененныя чащи, / пришел еси воплощся, / от Неискусомужныя, / Невещественный Боже: / слава силе Твоей, Господи.

Песнь 5.

Ирмос: Ужасошася всяческая / в честнем Вхождении Твоем: / Ты бо, Неискусобрачная Дево, / внутрь вошла еси во храм Божий, / якоже Честнейший Храм, / всем воспевающим Тя / мир Подавающая.

Священие славное и священное возложение днесь Пречистая Дева, возложившися в Храм Божий, Всецарю нашему, Богу Единому в жилище соблюдается, яко весть Сам.

Доброту, Пречистая, души Твоя зря некогда, верою Захариа возопи: Ты еси Избавление, Ты еси всех Радость, Ты еси Воззвание наше, Еюже Невместный вмещен Мне явится.

О паче ума чудес Твоих, Всечистая! странное Твое Рождество есть, странен образ возвращения Твоего, странна и преславна Твоя Богоневесто, вся, и человеки несказанна.

Свещник многосветлый сущи, Богоневесто, днесь возсияла еси в дому Господни, и озаряеши ны честными дарованиями, Чистая, чудес Твоих, Богородице Всепетая.

Ин.

Ирмос: Светлый нам возсияй / свет присносущный, / утренюющим о судьбах / заповедей Твоих, Владыко / Человеколюбче, / Христе Боже наш.

Да светлносим, православнии вси, стекающесе, и славяще Богоматерь, яко Господу днесь приводится, яко Жертва благоприятна.

Да веселятся праотцы днесь, Владычице, и да радуется рождшая Тя со отцем Твоим, яко плод их Господу приносится.

Многоименитую и славнейшую Непорочную Юницу, яко плотию Рождшую Божественнаго Тельца, вси воспоим, верно празднующе.

Уневещения написание Божественная знамения паче ума Рождества Твоего, Чистая Дево, днесь Духом Святым в Дому Божию.

Да отверзутся преддверия славы Бога нашего, и да приемлют Неискусобрачную Божию Матерь, якоже трилетствующую Нескверную Юницу.

Многочестную и присенную гору воспоим Приснодеву, Божию Матерь бывшу: Та бо облиста свет в концех.

Слава, троичен: Преначальное и Присносущное Едино Божество славословяще, трети Лицы естеством нераздельное, и славою равностное.

И ныне: Пристанище благоутишное, и неборимую Стену стяжахом, молитву Твою во обстояниях, Богородительнице, всегда избавляеми бед и скорбей.

Катавасия: Бог сый міра, Отец щедрот, / великаго совета Твоего Ангела, / мир подавающа, послал еси нам: / тем богоразумия к свету наставльшесе, / от нощи утренююще, славословим Тя, / Человеколюбче.

Песнь 6.

Ирмос: Божественное сие и всечестное / совершающе празднество, / Богомудрии, Богоматере, / приидите, руками воспещим, / от Нея Рождшагося Бога славим.

Всяческая носяй глаголом, молитву праведных услыша. темже неплодныя разрешил еси недуг, яко Благоутробен, радости Виновную сим дарова.

Сказати хотя языком Господь Свое спасение, Неискусобрачную ныне от человек прият, примирения знамение и обновления.

Яко дом сущи благодати, в немже сокровища лежат неизреченнаго Божия строения, Всечистая, в храме причастилася еси нетленныя сладости.

Диадиму Тя царскую прием Храм, Богоневесто, просвещашеся, и подступаше лучшим, предреченных зря на Тебе сбытие.

Ин.

Ирмос: Пророка Иону подражая, вопию: / живот мой, Блаже, / свободы изгли, и спаси мя, / Спасе міра, зовуща: / слава Тебе.

Празднуим, вернии, праздник духовный Матере Божия, воспевающе благочестно: есть бо святейша небесных умов.

Песньми духовными восхвалим, вернии, Матерь Света, яко днесь нам явися, предходящи в храм Божий.

Нескверная Агница, и Чистая Голубица приведесе обитати в Дом Божий, яко Непорочная, пронареченная быти Мати Божия.

В храм законный входы совершает Храм Божий, Небесная Скиния, из Неяже нам сущым во тме Свет возсия.

Младенствующи плотию, и совершена душою, святыи Кивот в Дом Божий входит, воспитатися Божественною благодатию.

От всяких искушений и бед душевных свободы ны, притекающыя к Тебе, Всепетая, Твоими мольбами, Мати Христа Бога.

Слава, троичен: Отец, и Сын, и Дух Правый, Триипостасная Единице, и Неразделимая Троице, помилуй поклоняющыяся Божественней державе Твоей.

И ныне: Во чреве Твоем вмещен Невместимый всеми, Богомати, быв, из Тебе произыде, Пречистая, сугуб естеством Бог и Человек.

Катавасия: Из утробы Иону младенца изблева / морской зверь, якова прият: / в Деву же всельшееся Слово, / и плоть приемшее пройде сохраншее Нетленну. / егоже бо не пострада истления, / Рождшую сохрани неврежденну.

Кондак, глас 4.

Подобен: Вознесыйся:

Пречистый Храм Спасов, / многоценный Чертог и Дева, / священное Сокровище Славы Божия, / днесь вводится в дом Господень, / благодать совводящи, яже в Дусе Божественном, / Юже воспевают Ангели Божии: / сия есть Селение Небесное.

Икос: Неизреченных Божиих и Божественных таин зря в Деве благодать являемую, и исполняемому явственно, радуясь, и образ разумети недоумеюся, странный и неизреченный: како избранная Чистая Едина явися паче всея твари видимыя и разумеваема; темже восхвалити хотя Сию, ужасаюся зело умом же и словом, обаче дерзая проповедаю и величаю: Сия есть Селение Небесное.

Песнь 7.

Ирмос: Не послужиша твари Богомудрии / паче Создавшаго, / но, огненное прещение мужески поправше, / радовахуся, поюще: / препетый отец Господь и Бог, благословен еси.

Се днесь возсия концем весна радостная, просвещаючи нашу душу и помышление и ум благодатию, торжеством Богородицы днесь таинственно да учредимся.

Да дароносят днесь всяческая Царице Матери Божии, небо и земля, и ангелов чини, и человеков множество, и да вопиют: во храм вводится Радость и Избавление.

Писание мимотече, и оскуде закон якоже сень, и благодати лучи возсияша, в Храм Божий вшедшей Тебе, Дево Мати Чистая, в нем Благословенная.

Повинуся Рождеству Твоему, Всечистая, яко Творцу и Богу, небо и земля и преисподняя, и всяк язык земных исповедает, яко Господь явился Спас душ наших.

Ин.

Ирмос: Пещь, Спасе, орошашеся, / отроцы же, ликующе, пояху: / отец Боже, благословен еси.

Ликовствуем празднолюбцы днесь, воспоем чистую Владычицу, Иоакима и Анну достойно чтуще.

Пророчествуй Давиде, глаголя духом: приведутся девы вслед Тебе, приведутся Тебе во храм Царицы Матери.

Радовахуся ангелов чини, веселяхуся праведных души, яко Божия Мати во святая приводится.

Приемлющи пищу Небесную, преспеваше мудростию и благодатию, бывши Мати по плоти Христа Бога.

И телом и духом радовашеся, пребываючи Мариа Непорочная во храме Божии, якоже сосуд священнойший.

Введоша Тя во внутреннейшее храма, целомудреннии родителии Твои, Пречистая, воспитатися странно в жилище Христа Бога.

Слава, троичен: Прославим Троицу Нераздельную, воспоем Едино Божество, со Отцем Слово, и Духа Всесвятаго.

И ныне: Моли, Егоже родила еси, Господа, яко благоутробна естеством суща, Богородительнице, спасти души воспевающих Тя.

Катавасия: Отроки благочестию совоспитани, / злочестиваго веления небрегше, / огненнаго прещения не убояшася, / но посреде пламене стояще, пояху: / отец Боже, благословен еси.

Песнь 8.

Ирмос: Слыши Отроковице Дево Чистая, / да речет убо Гавриил совет Вышняго / древний истинный, / буди к приятию готова Божию: / Тобою бо Невместимый с человеки поживе. / тем и радуяся вопию: / благословите вся дела Господня Господа.

Пречистый храм в дом Божий приводящи Анна иногда, вопиющи, с верою рече священнику: Чадо, от Бога данное мне, прием ныне, введи во храм Зиждителя Твоего, и радуяся пой ему: благословите, вся дела Господня, Господа.

Рече, видев, Анне иногда духом Захариа: жизни Мать вводиши истинную, юже светло пророцы Божии Богородицу проповедаша, и како храм вместит Ю; тем чудяся вопию: благословите, вся дела Господня, Господа.

Раба Божия бых аз, отвеща Анна ему, призывающи Сего верою и молитвою, прияти моя болезни плод, по приятии же Рожденную привести Давшему Ю. тем зовя вопию: благословите, вся дела Господня, Господа.

Законное воистинну дело есть, священник рече ей, странну же весьма вещь поразумеваю, зря Приводимую в дом Божий, преславно Превосходящую святая благодатию. тем и радуяся вопию: благословите, вся дела Господня, Господа.

Возмогаю, рече Анна ему, знающи, яже глаголеши, разумееш бо сия Духом Божиим, ясно яже Девы проповедал еси: прими убо Пречистую в храм Создателя Твоего, и радуяся пой Ему: благословите, вся дела Господня, Господа.

Светоносна нам возжеся Свеща, возопи священник, радость величайшую светящи в храме: души пророческия да срадуются мне, яко преславная зряще, совершаемая в дому Божии, и да вопиют присно: благословите, вся дела Господня, Господа.

Ин.

Ирмос: Егоже ужаются ангели / и вся воинства, / яко Творца и Господа, / пойте священницы, / прославите отроцы, / благословите людие, / и превозносите во вся веки.

Веселится днесь светло Иоаким, и Анна непорочная Господу Богу приносит Жертву, данную ей от обещания Святую Дщерь.

Хвалятся святии, Давид и Иессей, и Иуда чтится, из корене бо их израсте плод, Дева Чистая, из Неяже родися Бог Превечный.

Мариа, пречистая и одушевленная Скиния, приводится днесь в дом Божий: и приемлет Сию Захариа руками, яко освященное Сокровище Господне.

Яко дверь спасительную и гору мысленную, яко лествицу одушевленную, почтим, вернии, воистинну Деву и Мать Божию, благословенную руками иереев.

Пророцы, апостоли и мученицы Христовы, ангелов чини и вси земнороднии, почтим песньми Деву Чистую, яко благословенную Мать Высочайшаго.

В храм Тя принесоша, Всенепорочная Чистая, божественне рождшии Тя, яко Жертву Чисту: и странно водворяешия в неходимых Богу, предуготоватися в Жилище Слова.

Благословим Отца и Сына и Святаго Духа, Господа.

Слава, троичен: Да поется Трисвятый, Отец, и Сын, и Дух Святый, Нераздельная Единица, Едино Божество, Держащее дланию всю тварь, во вся веки.

И ныне: Безначальное начинается Слово плотию, родився, яко благоволи, Бог же и Человек, из Отроковицы Девы, возсозидая ны прежде падшыя, ради крайнего благоутробия.

Хвалим, благословим, поклоняемся Господеву, поюще и превозносяще во вся веки.

Катавасиа: Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Нюже вниде утробу. / тем воспевающе воспоем: / да благословит тварь вся Господа, / и превозносит во вся веки.

На девятой песни, Честнейшую: не поем, но поем припевы праздник:

Ангели, вхождение Пречистыя зряще, удивишася, како Дева вниде во святая святых.

Песнь 9.

Ирмос: Яко одушевленному Божию Кивоту, / да никакоже коснется рука скверных, / устне же верных Богородице / немолчно глас ангела воспевающе, / с радостию да вопиют: / истинно вышши всех еси, / Дево Чистая.

Ангели, вхождение Всечистыя зряще, удивишася: како со славою вниде во святая святых.

Яко пресветлую, Богородице Чистая, душевныя чистоты имущи доброту, благодатию же Божию исполняема с Небесе, светом присносущным просвещаеши всегда с веселием вопиющыя: истинно вышши всех еси, Дево Чистая.

Ангели, вхождение Девы зряще, удивишася: како преславно вниде во святая святых.

Прелетает, Богородице Чистая, чудо Твое силу словес: тело бо в Тебе поразумеваю паче слова, течения греховнаго неприятно. темже благодарственно вопию Ти: истинно вышши всех еси, Дево Чистая.

Ангели и человецы Девы вхождение почтим: яко со славою вниде во святая святых.

Преславно прообразоваше, Чистая, закон Тя скинию и Божественную Стамну: странен кивот, и катапетасму, и жезл: храм неразрушимый и дверь Божию. темже научают Тебе звати: истинно вышши всех еси, Дево Чистая.

Ангели, вхождение Девы зряще, удивишася: како богоугodne вниде во святая святых.

Песнопоя Тебе, провозглашаше Давид, глаголя Тя Дщерь Цареву, красотою добродетелей, одесную предстоящую Бога, видев Тя упещрену. темже, пророчествуя, вопияше: истинно вышши всех еси, Дево Чистая.

Ангели, възграйте со святыми, девы, сликовствуйте: Богоотроковица бо вниде во святая святых.

Богоприятну предзря Соломон, проповеда Тя одр Царев, живый источник запечатствован, из негоже немутная нам произыде вода, верою вопиющим: истинно вышши всех еси, Дево Чистая.

Ангели и человецы Деву песньми да возвеличим: боголепно бо вниде во святая святых.

Подаеши дарований Твою тишину, Богородице, души моей, точащи жизнь Тебе чтущим по долгу, Сама защищаючи, и покрываючи, и соблюдаючи, вопити Тебе: истинно вышши всех еси, Дево Чистая.

Таже первый лик поет втораго канона припев праздника:

Величай, душе моя, приведенную во храм Господень, и благословенную руками иереевыми.

Ин.

Ирмос: Светоносный Облак, / в онъже всех владыка, / яко дождь с небесе на руно сниде, / и воплотися нас ради, / быв Человек, Безначальный: / величаем вси яко Матерь Бога нашего Чистую.

Припев: Величай, душе моя, приведенную во храм Господень, и благословенную руками иереевыми.

Из праведных произыде, Иоакима и Анны, обещания Плод, Богоотроковица Мариа: и яко кадило приятное, плотию младенствующи, приводится во святилище святое, яко святая во святых обитати.

Припев: Величай, душе моя, приведенную во храм Господень, и благословенную руками иереевыми. Младенствующую естеством, и паче естества явльшуюся Матерь Божию, восхвалим песньми: в храм бо законный Господу днесь приводится, в воню благовония праведных, яко Плод духовный.

Припев: Величай, душе моя, приведенную во храм Господень, и благословенную руками иереевыми. Со ангелом, еже радуйся, Богородице приличне возопиим, вернии: радуйся, Вседобрая Невесто. Радуйся, Облаче светлый, из негоже нам возсия Господь, во тме неведения сидящим. Радуйся, всех Надеждо.

Припев: Величай, душе моя, приведенную во храм Господень, и благословенную руками иереевыми. Святых святая, и Богомати Марие, молитвами Твоими, Чистая, свободи ны от сетей вражиих и всякия ереси и скорби, верно покланяющыяся образу святого Твоего зрака.

Припев: Величай, душе моя, приведенную во храм Господень, и благословенную руками иереевыми. Песнь достойну Богородице вся тварь со Ангелом Гавриилом взывает, вопиющи: радуйся, Мати Божия Всенепорочная, Еюже избавихомся первыя клятвы, бывше нетления общницы.

Припев: Величай, душе моя, приведенную во храм Господень, и благословенную руками иереевыми. Херувим пребольши, и серафим вышши, и ширши небес явилася еси, Дево, яко неместнаго всеми, во утробе вместивши Бога нашего, и рождши несказанно: Егоже моли прилежно о нас.

Припев: Величай, душе моя, Триипостаснаго и Нераздельнаго Божества державу.

Триипостасное Естество, и нераздельную Славу, и в Божестве Едином поемую непрестанно, на небеси и на земли, Троицу неразлучную прославим, с Сыном Отцу и Духу покланяющесе благочестно.

Припев: Величай, душе моя, Честнейшую и Славнейшую горних воинств, Деву Пречистую Богородицу.

Под Твое благоутробие прибегающыя верно, и покланяющыяся благочестно Сыну Твоему, Дево Богородительнице, яко Богу и Господу мира молися, от тли и бед избавити, и всяческих искушений.

Припев: Ангели, вхождение Пречистыя зряще, удивишася, како Дева вниде во святая святых. **И посем ирмос:**

Таинство странное вижу и преславное: / небо, вертеп: / престол херувимский, Деву: / ясли, вместилище, / в нихже возлеже / Невместимый Христос Бог, / Егоже воспевающе величаем.

Светилен.

Подобен: Жены услышите:

Юже древле предвозвести пророческое сословие, стамну и жезл, и скрижаль, и несекому гору, Марию Богоотроковицу верно да восхвалим: днесь бо вводится во святая святых, воспитатися Господу. **Трижды.**

На хвалитех стихиры на 4, глас 1.

Подобен: Небесных чинов:

Свещеносицы девы, / приснодеву светло провождающе, / пророчествуют истинно духом будущее: / храм бо Божий Богородица сущи, / в храм со славою девственною / младенствующи вводится.

Обещания святого / и плод благославный, / Богородица воистинну явися міру,
/ яко всех превышшая: / яже благочестно приводима в храм Божий, / молитву
рождших исполняет, / соблюдаема Божественным Духом.

Небесным воспитана, Дево, / хлебом, верно в храме Господни, / родила еси
міру жизни Хлеб Слово: / Емуже яко Храм избранный и всенепорочный, /
предобручилась еси Духом таинственно, / обручена Богу и Отцу.

Да отверзается дверь / богоприятнаго храма: / Храм бо всех Царя и Престол, /
днесь со славою внутрь прием, / Иоаким возлагает, / освятив Господу, / от Него
избранную в Матерь Себе.

Слава, и ныне, глас 2. Леонта маистора:

Днесь в храм приводится Всенепорочная Дева, / во обителище Всецаря Бога, /
и всея жизни наша Питателя: / днесь Чистейшая Святыня, / яко трилетствующая
Юница, / во Святая Святых вводится. / Той возопиим, яко ангел: / радуйся, едина
в женах Благословенная.

На Славословие великое; тропарь, глас 4.

Днесь благоволения Божия предображение, / и человеков спасения
проповедание, / в храме Божии ясно Дева является / и Христа всем
предвозвещает. / Той и мы велегласно возопиим: / радуйся, смотрения
Зиждителява исполнение.

И отпуст.

НА ЛИТУРГИИ,

Блаженна от канона, песнь 3, 4_го гласа, и 6_я, 1_го гласа:

1. Невестокраситель днесь явися, красный Девы храм и чертог, приемь одушевленный чертог Божий, Чистую и Непорочную, и светлейшую всея твари.
2. Давид предначиная ликование, играет и ликовствует с нами, и Царицу зовет Тя украшену, Пречистая, предстоящу, Всечистая, в храме Царю и Богу.
3. Из неяже преступление произыде древле роду человеческому, из тоя исправление и нетление процвете, Богородица днесь приводима в Дом Божий.
4. Играют ангельская воинства, и всех человек множество, и пред лицом, Пречистая, предтекут Твоим днесь священосицы зовуще, величества Твоя в дому Божии.
5. Празднуим, вернии, праздник духовный Матере Божия, воспевающе благочестно: есть бо святейша небесных умов.
6. Песнями духовными восхвалим, вернии, Матерь Света, яко днесь нам явися, предходящи в храм Божий.
7. Нескверная Агница, и Чистая Голубица приведется обитати в Дом Божий, яко Непорочная, пронареченная быти Мати Божия.
8. В храм законный входы совершает Храм Божий, Небесная Скиния, из Неяже нам сущым во тме Свет возсия.

Тропарь, глас 4.

Днесь благоволения Божия предображение, / и человеков спасения проповедание, / в храме Божии ясно Дева является / и Христа всем предвозвещает. / Той и мы велегласно возопиим: / радуйся, смотрения Зиждителява исполнение..

Слава, и ныне, Кондак, глас 4.

Подобен: Вознесыйся:

Пречистый Храм Спасов, / многоценный Чертог и Дева, / священное Сокровище Славы Божия, / днесь вводится в дом Господень, / благодать совводящи, яже в Дусе Божественном, / Юже воспевают Ангели Божии: / сия есть Селение Небесное..

Прокимен, глас 3. Песнь Богородицы:

Прокимен: Величитъ дша моѧ гда, и возрадовася дхъ мой ѡ вѣѣ спсѣ моѧмъ:

Стих: ѿкъ призреѣ на смиренїе рабы своеѧ: се бо, ѿнїѣ оублажатъ мѧ вси рѣди :

Апостол ко евреем, зачало 320.

Братїе: Имѣаше оубо перваа скїнїа ѡправданїа слѣбвы, стѣбе же людскѣе: скїнїа бо сохрѣженѧ высть перваа, въ нейже свѣтїлникъ и трапѣза и предложѣнїе хлѣбшвъ, ѿже глаголетсѧ стѣа. По вторѣй же завѣсѣ скїнїа глаголемаа стѣа стѣыхъ, златѧ имѣци каділницѧ и ковчегъ завѣта ѡкованъ всюдѧ златомъ, въ немже стѣмина златѧ имѣцаа мѧннѧ, и жезла аарѣоновъ прозѣвшїй, и скрижалїи завѣта: превышше же егѡ херѡвїи славы, ѡсѣнѧющїи олтарь: ѡ нїхже не лѣтъ нїѣ глаголати подрѡбнѧ. Сїмъ же тѧкъ оустрѣенымъ, въ первѡю оубо скїнїю вынѧ вхождахѧ свѧщенницы, слѣбвы совершающе: во вторѡю же едїною въ лѣто едїнъ архїерей, не безъ крове, ѿже принѣситъ за себѣ и ѡ людскїхъ невѣжествїихъ.

Аллилуа, глас 8: Слыши, дщи, и виждь, и приклони оубо твоѣ, и завѣди люди твоѧ и домъ отца твоегѡ:

Стих: лицѧ твоегѡ помѡлтсѧ богѧтїи людстїи.

Евангелие Луки, зачало 54.

Во время оно: Бысть же ходѧщымъ ѿмъ, и самъ видѣ въ весь нѣкѡю: жена же нѣкаа ѿменемъ мѧрѡа прїѧтъ егѡ въ домъ свой: и сестра ѣй вѣ нарицаемаа марїа, ѿже и сѣдши при ногѧ иїсшвѧ, слышаше слово егѡ. Мѧрѡа же мѡлваше ѡ мнѡзѣ слѣбвѣ, стѧвши же рече: гдїи, не врежѣши ли, ѿкъ сестра моѧ едїнѧ мѧ ѡстѧви слѣжити; рцы оубо ѣй, да ми помѡжетъ. ѿвѣщавъ же иїсъ рече ѣй: мѧрѡо, мѧрѡо, печѣшисѧ и мѡлвиши ѡ мнѡзѣ, едїно же есть на потребѧ. Марїа же блѧгѡу часть ѧзвѣра, ѿже не ѡиметсѧ ѿ неѧ. Бысть же егдѧ глаше сїа, воздвїгши нѣкаа женѧ гласъ ѿ народа, рече еидѧ: блѧжено чрево носившее тѧ, и сосца, ѿже еси ссѧмъ. Онъ же рече: тѣмже оубо блѧжени слышации слово вѣжїе и хранѧщи еѧ.

Причастен: Чашъ спїнїа прїимѧ и ѿмѧ гдїне призовѧ: